

（欽定）廓爾喀紀畧

卷

五十五
十一

欽定庫爾喀紀略

卷一

欽定廓爾喀紀畧卷五十

正月二十七日

辛酉

福康安孫士毅和琳惠齡奏

言上年廓爾喀滋擾後藏地方運送軍需等項
設法轉輸雖需用浩繁自應恪守成例不使稍
有浮多致滋糜費惟是此次軍營路險途長地
勢天時不特與內地不同並與他處用兵迥異
查自成都至軍營計程一萬數千餘里核其道

里十倍金川且自打箭爐出口跬步皆山冰雪
層積衛藏一帶處處荒山峻嶺草木不生至濟
隴聶拉木以外懸崖一線尤爲陡窄異常道路
之艱難遼遠久在

聖明洞鑒之中 臣 福康安 臣 惠齡自前藏至軍營 臣

孫士毅 臣 和琳均由打箭爐出口 臣 和琳亦曾

行抵後藏沿途情形俱係親身目擊當軍需緊

急之時自應通融辦理以速轉運未便拘泥貽

誤臣等隨時查察經手官員斷不能稍有侵漁

虛飾第所增雖係實用而經費究屬有常現在

體察情形公同確核如漢番人夫加增賞應

以里民幫貼之項支給又官兵賞項衣履應由

臣等公捐又出口之候補試用丁憂各員酌給

路費及一半養廉應於未調各員養廉內公攤

此皆係例外動用之款均請毋庸開銷謹另繕
條款清單恭呈

御覽其有因時地不同格於成例者共有四款臣等

謹另單開列據實

奏明仰懇

皇上恩鑒交部存案以便照臣等所奏核實報銷不

致冒濫此外如有與例不符零星款項將來核

明具

奏一併歸入副銷項下攤賠以杜浮冒而歸節省

同日福康安又奏言查總兵張芝元素能撫馭

降番屯練各兵此次隨在臣福康安隊內進勦

兼帶兵丁開修道路甚爲奮勇出力及深入賊

境後復派在東覺協布魯一帶防守後路亦能

嚴密巡查不辭勞瘁該鎮因積勞之後觸染瘴

癘八月中已在軍營患病九月初間撤回濟隴
病勢日加延至九月十七日病故至查出上次
廓爾喀謝

恩表貢一案係翼長德楞泰送廓爾喀頭目赴邊界

後回至工達密向臣福康安等面稟其時張芝

元業在濟隴病故無由得知均奏入

上命軍機大臣傳諭福康安孫士毅和琳惠齡曰據

福康安等奏查明軍需實用欸項分別請捐請銷
一摺所稱分賞索倫滿漢屯土各官兵衣履銀牌
牛羊等項並照料病兵費用除將恩賞銀兩給發

外尙用銀二萬餘兩請公捐歸欸一節此等官兵
奉調赴勦跋涉遠道殊爲勞苦而福康安等督兵
籌運懋著勞勩所有此項賞銀不必令福康安等
自行捐辦已諭令該部於核議時准其作正開銷

用示體恤至所奏查明張芝元實係在濟隴病故緣由張芝元向來帶兵打仗尙爲出力此次進勦廓爾喀亦屬奮勇雖前次與廓爾喀許銀說和一事伊曾經與聞但其事究係巴忠主持張芝元職分較小不能不聽從差委其咎尙有可原今經福康安等查明委係觸染瘴癘在濟隴地方病故殊爲可憫著加恩賞給銀五百兩以資喪葬之費並

著惠齡查明伊子內如有年已長成者於服闋後
送部帶領引見以示軫恤

同日福康安孫士毅惠齡和琳又奏言此次軍

營打仗將弁_臣福康安等據實保奏渥荷

恩准尙有委令趕運沿途軍需火藥及催僱人夫往
來東西兩路不辭勞苦似應擇其最爲出力者
獎拔數員以示鼓勵查有來藏安臺告請出兵

之陝西鞏昌營遊擊雷仁甘肅督標遊擊楊宗
澤又有四川建昌營都司呂朝龍馬邊營都司
陳起鳳奉

旨赴藏聽候差遣之守備銜田占魁斥革提標前營
外委單大雄盡瘁馳驅晝夜催餉軍營得資接
濟又四川城守營叅將楊長棟在口外裡塘巴
塘察木多恩達一帶總理馬匹人夫於數千里

之遠校織查催實能不留餘力內叅將楊長棟
遊擊楊宗澤都司呂朝龍三員應請

旨賞戴花翎遊擊雷仁前於金川軍營得有藍翎陞
任遊擊引

見時復蒙

恩賞戴花翎應請

旨將雷仁卽以陞缺補用守備銜田占魁以守備卽

金定厚商略 卷五十一
用都司陳起鳳前因該管汛兵遞送成德謝

恩摺跌入雪窖一案

臣孫士毅

奏請交部嚴議外委單大雄亦因此斥革均係公

過且經臣孫士毅聲明該員等彼時均未在站

應請

旨將陳起鳳留任單大雄仍以原官補用庶使戎行

共感

皇仁將來遇有差遣自必益加感奮力圖報效再糧
運艱阻之時飭令道員林儁辦理長運有後藏
克什米爾回民阿奇木覺爾領價辦運糧石始
能接濟實爲奮勉得力其隨營辦運番目番民
及通事等偵聽賊情踴探道路並將訊問供詞
據實傳譯均屬勤奮查阿奇木覺爾係外番回
民竟能實力運供糧餉實屬可嘉酌將阿奇木

覺爾獎給五品頂戴其餘若譯字通事孫天成
羅萬年及辦糧之卓尼爾格桑拉布丹第巴圖
多獎給六品頂戴通事程鵬萬番民瑪景諾爾
布納木結巴勒布商人巴凌覺丹達爾興及幫
辦長運之迭吉拉布丹等十二名均請獎給金
頂奏入

上諭內閣曰大兵進剿廓爾喀糧運軍火最關緊要

催運出力人員自應量加獎拔所有四川城守營
叅將楊長棟甘肅督標遊擊楊宗澤四川建昌營
都司呂朝龍俱著加恩賞戴花翎仍以應陞處記
名先用陝西鞏昌營遊擊雷仁著卽以陞缺補用
守備銜田占魁著以守備卽用馬邊營都司陳起
鳳提標外委單大雄前因該管訊弁馳遞奏摺跌
入雪窖一案分別嚴議斥革念其均係公過陳起